

Das Stift Nonheim verpachtet ein Gut.

C. In nomine sancte et individue Trinitatis. Notum sit omnibus fidelibus tam futuris quam presentibus, qualiter Wernherus filius Diderici de Flanheim abatem et fratres monasterii sancti Albani martiris adierit, quod ab eis predium quodam (!) in Brunneheim, quod erat ad caritatem eorundem fratrum constitutum, sibi suisque posteris in ius hereditatis concedi petierit. Cuius petitionem abas et fratres iam dicte ecclesie benigne suscipientes, idem predium ipsi et suis post eum heredibus ad septem uncias annuatim in festo sancti Andree apostoli persolvendas pariter constituerunt, hac premissa per alter . . . convencione, ut si ultra constitutum tempus denominatum sibi censum quatuor septemvis (?) supersederit ac reddere neglexerit, in predicto predio ius perdat hereditatis et ulterius in eo permanendi non habebunt potestatem. Hec sigillo beati Albani pro maiori cautela sunt signata et coram testibus subscriptis confirmata, quorum nomina sunt ista: fratres de claustris dominus Hinricus abbas, Nibelungus prior, Drukindus, Cuno, Ditericus, Erpho; laici ipse Wernherus, Marquardus, Ditericus, Dragebodo de Flanheim. Acta sunt hec anno incarnationis Domini MCLXX, indictione III.

Orig. 3. T. zerstört und deshalb an einigen Stellen nicht sicher lesbar. Siegel aufgedrückt, ist ab; Nr. 76.